

Marchionatus Brandenburgicus

Regio.
Unde dicta.

Marchionatus Brandenburgicus qui hac Tabula repræsentatur, olim a Vandalis habitatus fuit, quorum sedes ab Albi flumine Orientem versus porrigebantur, per ditiones quas nunc Mechelburgici, Brandenburgici, Pomerani, Bohemi, Poloni incolunt. Nomen habet a Metropoli quam quidam initio Brenneburgum vocatam adferunt, quo etiam respexit Georgius Sabinus in suo *Hodoeporico*:

*Italiam quando digressus ab urbe petebam,
Aduce quæ Brenno condita nomen habet.*

Situs.

Oppugnavit eos diu *Carolus Magnus*, expugnavit *Henricus Auceps* per brumam, castris in glacie firmatis, qui etiam urbi præsidium imposuit, cum Colonia Saxonum. Protenditur autem hic Marchionatus in longitudinem ad LX Milliaria Germanica. Ad Occasum clauditur Saxonæ, Misniæ & Megalopensium regionum Limitibus; qua Septentrio est Stetinos, Pomeranos, & Cassubios respicit; Poloniam & Silesiam versus orientem Solem contingit: Bohemiam, Lusatiam, & Moraviam habet a Meridie. Ager admodum fertilis est, inprimis Frumenti: nec desunt Vineta, è quibus Vinum abunde colligunt. Corallum insuper, Etitem, Scistum, aliasque non ignobiliores gemmas producit hæc Regio. Porro Brandenburgicus Marchio Elector

Solifertilitas.

Imperium majorem.

etiam est Imperii, & inter opulentissimos potentissimosque Germaniæ Principes numeratur: quippe qui præter Marchiam utramque etiam in Lusatia Comitatu & in Silesia urbes multas possideat. Principum istorum successio varia fuit: nam deficiente Marchionum stirpe, *Ludovicus Bavarus* anno *MDCCXIX* principatum dedit Filio suo *Ludovico*: Bavarum anno *MDCCCLXXIII* vendiderunt eum *Carolo Imperatori* Regi Bohemiæ: a Filio *Caroli* *Ioanne* devolutus est Marchionatus ad Moravia Principes, *Judocum* & *Procopium*: *Judocum* ære alieno pressus eum oppignoravit *Gulielmo* Marchioni Misniæ; tandem in Concilio Constantiensi anno *MDCCCXVII* *Sigismundus* Rex *Friderico* Burgravio Noribergensi dono dedit. Hodie ei præest summa prudentie, clementiæ & liberalitatis laude clarus *Ioannes Georgius*. Dividitur autem tota hæc Marchia in tres partes, in *Veterem* scilicet, *Mediam* & *Novam*. Incipit *Marchia vetus* a Solitudine quam *Luneburgensem* cognominant, & ad Albim fluvium usque protenditur. Confinia item habet cum Magdeburgensi, Halberstadenfi Diocæsi, & Megalopoli. Hujus Incolæ olim fuere *Senones Suevi*, nec non alicubi *Angrivarii* cum *Tentoniis*. In hoc tractu sunt septem non parvi nominis Urbes, hæc nempe, *Tangeramonda* ad Albim, quo Angra vel Tonagra aquam suam evomit sita; quodam *Caroli* *I* *Imp.* Sedes. *Stendalium*, quæ hujus Marchiæ Civitas primaria. *Soltwedelum* in duas Civitates, *Veterem* & *Novam* divisum: *Gardeleben* cum Arce *Eischnippa* dicta. Item *Osterburgum*, *Werbum*, *Senohusum* a Senonibus populis forte sic nominatum. Minus celebra sunt *Armburgum* cum Arce ad Albim situm. *Bismarchium*, *Bostera*, *Bucka*, non procul ab Albi exædificata, *Kalba* & *Meslinga* quam quoque *Laatzlingam* appellant.

Urbes.

Ac præterea